
DISSERTATIO MEDICO-CHIRURGICA

INAUGURALIS

DE

CARCINOMATE,

MAMMAS PRÆCIPUE AFFICIENTE.

THE UNIVERSITY OF CHICAGO

THE EAST ASIAN LIBRARY

CHICAGO, ILL.

1957

DISSERTATIO MEDICO-CHIRURGICA
INAUGURALIS

DE

CARCINOMATE,

MAMMAS PRÆCIPUE AFFICIENTE;

QUAM,

ANNUENTE SUMMO NUMINE,

EX AUCTORITATE DIGNISSIMI VICE-CANCELLARII

ARCHIBALDI DAVIDSON, S. S. T. P. P.

ET COLLEGII GLASG. PRÆFECTI;

NECNON,

AMPLISSIMI SENATUS ACADEMICI CONSENSU,

ET

NOBILISSIMÆ FACULTATIS MEDICÆ DECRETO;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS RITE ET
LEGITIME CONSEQUENDIS,

IN COMITIIS UNIVERSITATIS GLASGUENSIS,

ERUDITORUM EXAMINI SUBJICIT

JOANNES BYRON, A. M.

ANGLUS,

COLL. REG. CHIR. LOND.

NECNON

SOCIET. REG. MED. EDIN. SOC.

IPSIS KALENDIS JUNII, HORA LOCOQUE SOLITIS.

*Illud ante omnia scire convenit, quod omnes Medicinæ partes ita innexæ sunt,
ut ex toto separari non possint.*

CELSUS.

GLASGUÆ:

EXCUDEBANT J. ET J. SCRYMGEOUR,

ACADEMIÆ TYPOGRAPHI.

—O—
1803.

PATRI CARISSIMO,
PIETATIS SUÆ QUAM MAXIMÆ;

NECNON

AMICO VALDE COLENDO,

THOMÆ FROST,

ARMIGERO,

OBSERVANTIÆ SUÆ HAUD LEVIS,

HANC DISSERTATIONEM

PRO PIGNORE QUIDEM EXIGUO

OFFERT AUCTOR.

DISSERTATIO MEDICO-CHIRURGICA

INAUGURALIS

DE

CARCINOMATE,

MAMMAS PRÆCIPUE AFFICIENTE.

AUCTORE JOANNE BYRON.

PROŒMIUM.

HUNC morbum, ægros miseros multis dirisque malis vexantem, indolis ferè insanabilis esse, ab experientia veterum infausta, et recentiorum haud multò feliciore, fatis superque constat. Plurimi Medici et Chirurgi haud minùs doctrinâ quam peritiâ insignes, per spatium bis mille annorum, plurimum operæ contulerunt, ut ejus naturâ causisque patefactis, methodus medendi minùs fallax inventa fuerit; quâ regnum hujusce tyranni illachrymabilis evertatur, malaque exinde provenientia in posterum

summoveantur. Hi conatus verò, fato meliore digni, haud benè evenêre ; nam, nostris etiam temporibus, Carcinoma vires tam naturæ quam medicinæ vincit, ægrotantibus miseris cruciatus immanes semper inferens. Omnium morborum forsitan est nullus, cujus natura minùs intellecta, aut methodus curandi magis incerta sit, quam Carcinomatis. Nec Empirice, illa medicina indocta et temeraria, has tenebras et confusionem ullo modo expedit, sed potiùs, ut par fuerat expectari, multùm auxit. Hic morbus nihilominus pro Dissertationis Inauguralis argumento mihi arrisit, nam morbum dolorificum lenire haud minùs, quam malum levius summovere, dignum medico videtur ; neque ineptum foret in animo versare, quomodo morbum adeo crudelem curare debeam.

Carcinoma in homines ætatis omnis, præsertim provectioris, suos impetus facere solet. Partem corporis omnem adoriri gaudet ; hinc ejus indoles interna, faciesque externa multùm variatur ; pro ut pars affecta fabricæ et naturæ diversæ sit : Carcinoma igitur nunc durtiei morbidæ, nunc tuberis carnosæ, nunc verrucæ, nunc ulceris formam induit*. Su-

* Pearson's Practical Observations on Cancer, p. 4.

perficies verò, quæ humores fecernunt, glandulæque fecernentes (nam, ut quibusdam placet, glandulæ lymphaticæ non per se, sed ex viro resorpto, afficiuntur), præ cæteris corporis partibus huic malo opportuniora sunt. De Carcinomate verò mammas afficiente præcipuè hic loci differere nobis in animo est.

Mammæ muliebres ferè solæ hoc morbo afficiuntur, nonnunquam verò mammæ in viris Carcinomate affectæ stadia morbi omnia fubeunt, ad extremum cultro excidendæ *. Glandulæ Carcinomate affectæ sub initio ferè semper duriores evadunt; hinc *Scirrhusæ* dicuntur: minùs rectè quidem, nam glandulæ præter solitum duræ fiunt ex aliis morbis naturæ prorsùs diversæ, et curationem diversam postulantibus. Hinc est periculum haud leve, ne medicus in errorem tam in judicando de natura morbi, quam in remediis adhibendis incidat. Multùm igitur desiderandum est quod daretur indicium aliquod certum propriumque, quo alii

* Heister's Surgery, p. 227. vol. 1.—Le Dran's Operations in Surgery, p. 292, ex editione Gataker.—Heberden's Medical Comment. p. 296.

Scirrhi glandulas afficientes ab illo in Carcinoma jam abituro ritè distinguantur. Hoc tamen non penes nos est; morbus itaque non à definitione simplice sed potius historiâ generali dignosci potest.

HISTORIA MORBI.

CARCINOMA suum impetum primum admodum infidiosè sæpè facit; nam aliquid duritiei haud rarò aut clam ægram aliquandiù mammam occupat; aut incommodum vel minimum vix, ac ne vix quidém affert. Interea ægra nihil mali timet, dum monstrum horrendum magis indies crescit, viribus medicinæ victu haud facilè citò evasurum. Nonnunquam verò gradum corripit, perque omnia sua stadia ad ægrotantis internecionem cursu incitato festinat.

Ad initium in mamma conspicitur tumor parvus, durus, ~~im~~ mobilis, benè circumscriptus, indolens, cuti concolor. Interea effluit haud rarò è papilla aut areola circumjacente aliquid humoris serosi vel sanguinolenti. Hoc aut *primum morbi stadium*, aut apud quosdam auctores *obstructio simplex* nominatur. Post spatium aliàs longum aliàs breve tumor

ad molem majorem crescit, partibus vicinis adhæret, formæ inæqualis fit, et demum sensu præditus est.

Primum ægra de pruritu levi, tandem de dolore huc et illuc intra tumorem, more jaculi, celeriter movente, conqueritur. Morbus nunc magis externè se prodit, nam venæ sub cuti largiores quam solitæ fiunt, cutis ipsa passim inflammatur, et colorem purpureum vel lividum induit; papilla quoque sæpè introrsum recedit, cutisque circa eam in rugas vel plicas contrahitur. Morbus nunc *Stadium Secundum* explevit, et potiùs Carcinoma striclius ita dictum, vel Scirrho-carcinoma appellatur. Sanies tenuis acrisque, quæ huc usque sub maculis rubris vel lividis latebat, sibi viam extrorsum jam facit, ulceraque mali moris ostendit. Carcinoma sic dictum *Occultum* hoc modo in *Apertum* mutatur. Dolor interea non remittit, potiùs mirum in modum intenditur, et sensum nunc lancinationis nunc caloris urentis refert. Ulcus semper faciem cum excrecentiis fungosis, et foveis altis inæqualem; labiaque plerumque crassa, dura, sensu exquisito prædita; sæpe extrorsum flecta, nonnunquam præfertim in initio inversa, aliquando etiam ferrata of-

tendit; humoremque tenuem, ichorosum, varii coloris, fætoze ingrato, sæpe intolerabili, partes vicinas rodentem*, fundit. Sanguis ipse quoque haud rarò copiosè erumpit, adeo ut ex hac causa solâ interdum ægra moritur. Ulcus interea nonnunquam speciem fallacem induit, nam crustâ magnâ, sphacelo correptâ, omnino separatâ, superficies nova, lævis, ad visum sana, in conspectum prodit. Medicus verò nimium ne credat colori, quia ulcus adhuc suam indolem virulentam pristinam reverâ servat†, et nunquam pus sanum præbet. Ex loco affecto excurrunt lineæ duræ, glandulis aliisque partibus vicinis affixæ, antiquioribus in libris *radices* seu *chelaë Cancræ* appellatæ. Hæ reverâ sunt vasa lymphatica indurata, quæ una cum glandulis ex viro resorpto, diversis morbi temporibus, affici incipiunt. Hoc præsertim accidit, cum morbus, ut interdum soleat in latebris agere gaudet, et exulceratio interna, cutē adhuc incolumi,

* Humor effusus apud quosdam auctores adeo acris fuisse fertur, quod linteola resque alias applicatas, instar caustici, consumere potuerit. Hoc tamen fortassè fictum, certè perrarum est.—Heister's Surgery, p. 229. vol. 1.—Van Swiet. Com. on Boerrhaave's 499 Aphorism.

† Pearson's Principles of Surgery, p. 217.

latè progreditur*. Tumor in mamma tantum unus plerumque, plures verò interdum oriuntur. In eodem quoque tumore ulcera plura, aliud post aliud se aperiens, sæpè formantur; exque his foraminibus singulis fungus, asper, scaber, coloris cærulei, aut atrii se prodit. Ulcera adeo tenera, laceratuque facilia sunt, ut à tactu levissimo sanguinem tenuem fundant. Corpus universum, his malis urgentibus, in consensum trahitur. Postquam mamma scirrho correpta fuerit, ulceratione jam instante, ingruit aliquid febris, fluxu humoris progrediente, statim cessuræ. Postea verò, ichore præsertim copiosè fluente, febris sic dicta Hæctica cum pulsu frequente, admodum duro, parvo, adoritur; ægraque dolore diuturno, sudoribus nocturnis, alvi fluxu exhausta pro vita misera mortem lætam mutat.

DE MATERIÆ CANCROSÆ INDOLE CONTAGIOSA.

UTRUMNE effluvia, quæ ab ulcere carcinomatoso avolant, contagiosa sint; vel humor ex ulcere effusus corpori alieno admotus, Carcinoma gignere

* Richter's Medical and Surgical Observations, p. 24. editione Spens.

possit, parum inter medicos constat. “Adrianæ,”
ait Tulpus, “Lambertæ, provectæ ætatis, post
“devorata aliquot annorum molestiam, ulcera-
“tum mammæ Carcinoma, ad eum pervenit pu-
“tredinis gradum: ut halitu suo inficeret famu-
“lam, continenter operam ipsi navantem; et qui-
“dem eo majore labe, quo diutiùs suppetias tulle-
“rit ac familiariùs cum illa vixerit. E quibus
“conceptæ perniciæ scintillis tandem exortum in-
“gens incendium; quod ipsam non minus, quam
“Dominam suam, pessumdedit: insidente utrius-
“que pectori, ac alis, tam fœdo ac inæquali ulce-
“re; ut aliquamdiu animi penderem, utra illa-
“rum graviori excarnificaretur sævitiâ.

“Quid quod mihi ipsi, solus fœtentis hujusce-
“modi carcinomatis intuitus, præter insignem cor-
“dis defectum, aliquando guttur usque eò exul-
“ceravit: ut non mercurio præcipitato tantum;
“verum etiam forfice cottidie opus fuerit, ad au-
“ferendas crustas, à depascente veneno in fauci-
“bus excitatas. E quibus vel cœco apparet, ul-
“ceratum cancerum non solum cominùs, verum
“etiam eminùs contagium suum disseminare: ac
“proinde fatius esse, fidem habere experimentis

“indubitatis; quam incautæ juventuti illudere,
“frivolis argutiis, atque excogitatis captiunculis:
“ne dicam subtiliter differendo aditum interclu-
“dere, quo minus perspicax mentis acies diriga-
“tur ad meliora, usu abundè comprobata *.”

Mihi verò persuasum est, Tulpii aliorumque auctoritate gravi nihil obstante, minimè certum esse, quod effluvia talia reverà contagiosa sint. Contrà, si nobiscum reputemus, morbum minimè rarum esse, Chirurgos aliosque persæpè effluviis talibus exponi, paucaque esse exempla, in quibus morbus ab hac causa oriri dicatur; licet nobis fortassè in alteram sententiam libenter ire. Ex auctoritate quoque fati gravi haud nefas est dicere, quod morbus Ancillæ, si reverà Carcinomate correpta fuerit, minimè halitui ex hera attributus fuisse debeat; quodque guttur Tulpii ipsius Carcinomate vero immune fuisset. Attamen propter testimonia, minùs infirma, et analogiam admodum plenam haud absimile videtur, ichorem ex ulcere carcinomatoso fluentem, in corpore alieno eundem morbum excitare posse. Exempla tamen, quæ ad hanc sententiam confirmandam à quibusdam auctoribus,

* Observationes Medicæ Nicolai Tulpii, lib. 4. cap. 8.

præfertim D^o. Gooch * prolata sunt, haud omni ex parte sufficiunt. Fœmina, hoc Chirurgo testante, ferè sexagenaria, de mamma scirrhusa, glandulisque axillaribus eodem morbo correptis, conque- rebatur. Cum tantum annos tres nata, liquorem quemdam, quò ulcus cancrosum lotum fuerit, bi- berat; die circiter decimo quarto post, in lingua e- jus oreque interno apparuerunt ulcera serpentina malique moris, quæ postea difficulter sanata fue- runt. Annos postea viginti, ex contusione in casu recepta propè articulum coxarium ortus est abscef- sus, qui quoque diu sanari refugit. Post annos quindecim integræ valetudinis, sese prodidit in mamma tumor parvus, durus, fluxu menstruo post intervalla fluente, tardè crescens. Cum verò ca- tamenia redire desiverant, molem magnam celeri- ter adeptus, mammâ totâ correptâ, ad glandulas in axilla positas serpsit, nunquam verò ante ægræ mortem in ulcus apertum abiit. Tumor hicce, D^o. Gooch judicante, à liquore poto suam origi- nem duxit, minus certè quidem ut mihi, omnibus ritè perpenfis, videtur. Exemplum alterum ab eo- dem prolatum, scilicet, fœminæ, quæ à suæ foro-

* Gooch's Surgery, p. 127. vol. 2.

ris ore, usu tubi pro tabaco, morbum accepit, haud minùs patet iisdem objectionibus à Pearson illo Chirurgo doctissimo peritoque enumeratis *. Idem de aliis exemplis ad hanc sententiam confirmandam prolatis dici potest. Inter omnes verò constat, effluvia ab ulcere cancroso avolantia interdum effectus haud gratos in corporibus aliorum præstitisse†; ichoremque carcinomatofum, parti cuticulâ opertæ admotum, dolores lancinantes brevi durantes dedisse‡; parti verò, cui cuticula abrafa sit, admotum, ulcera speciem cancrofam præ se ferentia fecisse§. Annon hæc ulcera, ut quibusdam placet, revera indole cancrofa prorsùs careant, probatu, ut mihi videtur, perdifficile est. Experimentum, quo hoc certissimè dirimendum est, insitio nempè, nefas est, nam quis, proh facinus! tali periculo ullum objicere audeat? Canes huic morbo obnoxii esse dicuntur, supraque his pericula (cum jure, necne non dicere ausim) insitionis facta sunt. Ex his periculis verò lis non dirimitur, nam auctores prop-

* Pearson's Practical Observations on Cancer, p. 26.

† Pearson's Principles of Surgery, p. 222.

‡ Le Dran's Operations in Surgery, p. 289.

§ Pearson, Loco jam nunc citato.

ter dolores animalium, fœtoremque ulceris intolerabilem adducti sunt, ut morte præmaturâ miseris animalia eriperent *.

DE DISSECTIONE TUMORUM.

DISSECTIO tumorum scirrhorum nihil lucis ad naturam eorum detegendam affert. Partes omnes diversæ plerumque in unam rudem indigestamque molem permiscentur. Reperiuntur quoque guttæ paucæ humoris subflavi vel fusci nunc propè ad tumoris centrum, nunc propè ad ambitum†. Ex commentis de causa morbi proximâ nuper prolatis, dicitur, tumorem semper ex hydatidibus constare ‡. Hoc tamen à multis haud parvi nominis negatur.—

“ In the parts which have become scirrhus, I have
 “ commonly observed,” ait Dr. Baillie, “ the
 “ structure to consist of a very firm light brown
 “ substance, intersected by membranous or liga-
 “ mentous septa, which run in various directions.
 “ The membranous septa are more numerous,
 “ and of greater thickness in some cases than in

* Peyrilhe's Dissertation on Cancerous Diseases, p. 45.

† Pearson's Principles of Surgery, p. 213.

‡ Adams on Morbid Poisons, p. 184.

“ others. There is occasionally mixed with this
“ structure, a cartilaginous substance. The whole
“ structure I have sometimes known to be cartila-
“ ginous, resembling very much a piece of com-
“ mon cartilage, which had been previously ren-
“ dered soft, by being steeped for some time in a
“ dissolving fluid.”

“ Ulcers are often formed in scirrhus struc-
“ tures, and fungous excrescences occasionally
“ grow from them. Cyfts, containing a kind of
“ ferous fluid, are sometimes found in scirrhus
“ structure; but they seem to me frequently want-
“ ing. They occur, I believe, most commonly in
“ the breasts,———and these glands, in a scir-
“ rhous state, I have had few opportunities of exa-
“ mining. From what I have observed, I should
“ be inclined to believe, that cyfts are only form-
“ ed in a scirrhus structure, but are not essential
“ to it. In this, however, I may be mistaken;
“ and it may be found, by a more minute observa-
“ tion, that the formation of cyfts always consti-
“ tutes a part of a scirrhus structure*.”

* Letter to Dr. Adams.

DE CARCINOMATIS INDOLE HÆREDITARIA, SCROPHULOSA, ET LOCALI VEL GENERALI.

CARCINOMA à quibusdam auctoribus pro morbo hæreditario et scrophulæ affine habetur : illa verò sententia rationibus satis certis prorsus carere, hæc rebus omnibus in morbo observatis abhorre-re videtur. Nullum ab auctoribus (saltem cum consensu omnium), datur temperamentum, quod huic morbo homines magis proclives reddit. Satis quoque constat Carcinoma perrarò in familiis grassari, sæpeque in fœminas, quarum cognitæ morbo immunes vixerant, adoriri gaudere. Hinc Carcinoma non pro morbo hæreditario haberi placet. Major adhuc tamen lis est, utrum Carcinoma à totius corporis labe, five vitio tantum locali oriatur. In sententiam illam medici plerumque, in hanc contrà Chirurghi potiùs ire solent. Proclivitas Carcinomati in variis corporis partibus eodem ferè tempore, et morbus, parte affectâ excisâ, in aliis vicinis vel etiam remotis recrudescens, sententiæ priori favent; si contrà animadvertatur fœminas multas, post excisionem morbo incipiente, vel etiam admodum provecto factam, ad ultimam

vitam, auctoribus omni fide dignis testantibus, Carcinomate immunes vixisse, magis sententiæ posteriori favere placet. Hæc lis, nempè, utrum Carcinoma indole universâ vel locali sit, summâ attentione digna censetur, quippe quæ proximè ad medicinam practicam spectat, nam si morbus è vicio generali suam originem duxerit, quibusdam suadentibus, à cultro inutili crudelique abstinendum est; si è locali tantum, ad excisionem omni spe confugiendum est. Lis verò hæcce ab auctoribus nondum dirimitur, nec diremptu facilis videtur; nam, multis rebus in Carcinomate observandis probè perpenſis, perdifficile videtur, utrum classi localium vel generalium referri debeat*: et de operationum usu ab experientia sola judicandum est. Non nostrum est tantas componere lites; quæritur tamen, si Carcinoma labes generalis sit, cur non eâdem fiduciâ, eodemque successu, ac in morbis aliis generalibus, Hydarthro, verbi gratiâ, scrophuloso, cultrum non adhibendum est: si contrâ tantum vitium locale sit, cur excisioni nimium fidendum est, quoniam adhuc sint partes aliæ ejusdem fabricæ indolisque; adhucque vigeant causæ morbi ex-

* Pearson's Principles of Surgery, p. 231.

citantes, quæ, longo post tempore, partes corporis etiam remotas in labem cancrofam trahere potuerint?

DE CAUSIS EXCITANTIBUS.

CAUSÆ Carcinomatis sic dictæ excitantes per multæ ab auctoribus annumeratæ sunt: maximè eas, quæ sæpiùs certiùsque morbum inducunt, leviter percurrere satis erit. Referri possunt ad duo capita, quorum alterum causas circuitum sanguinis afficientes, alterum injurias vi externâ illatas comprehendit. Hæc in locum affectum tantum, illa in corpus totum saltem in initio suos effectus edunt.

Ad classẽm priorem referri potest fluxûs mulieris defectio, siue natura huic fines imposuerit, siue morbus represserit. Ab observationibus Dionis patet, ex viginti fœminis Carcinomate correptis sexdecim semper inter annum quadagesimum quintum et quinquagesimum in morbum incidere. Virgines religiosæ, hoc auctore in suo itinere per Galliam observante, præsertim si earum menses siue ex natura aut morbo defecerint, huic malo præ cæteris obnoxia sunt. Fertur quoque fœminas in-

nuptas præ nuptis, liberos enixas præ non enixis, sæpiùs Carcinomate correptas esse*. Huc etiam referuntur affectus deprimentes, veluti metus, mœror, fimilesque; vita deses, lac in mamma coactum vel repulsum, inflammatioque, ut quibusdam placet, in scirrhum nonnumquam transiens. Ad alterum genus ictus pressuraque diuturna pertinent. Hic tamen confitendum est, morbum interdum oriri, cum nihil præter solitum culpari potest.

DE CAUSA PROXIMA.

DE causa Carcinomatis proximâ commenta benè multa prolata sunt, haud verò à medicis saltem doctioribus plurimi æstimata; nam eorum singula fautores perpauco adipisci potuerunt. Quantum de hac re notum sit, elucebit, si etiam levissimè commenta illa attingerimus. Obstructio fautores multos adepta fuisse videtur; hæc verò obstructio non semper ejusdem indolis fuit. Veteres medici, et quidem è Recentioribus atram bilem in mamma depositam culpaverunt; de hac verò nihil ampliùs dicendum est, quoniam commenta antiqua circa atram bilem jamdudum in pace requievêre.

* Heister's Surgery, p. 229, vol. I.

Quidem auctores acori corroderenti mala dira in Carcinomate observata attribuerunt; perperam quidem, nam neque argumenta verisimilia, neque symptomata observata talem acorem fuisse ostendunt. Hâc verò de acore sententiâ rejectâ, prolata est alia prorsus contraria, nempe, quâ Carcinoma fali alkalino caustico tributum est; huic quoque opinioni objiciuntur multa haud dilutu facilia. Lympha quoque inspissata, quæ morando in suis vasis magnam in putredinem proclivitatem paulatim acquirit, à quibusdam pro morbi causa habita est. Alius quidem auctor*, qui huic morbo multum attentionis dedit, et quo in posterum non immedicabilis esset, summâ ope nifus est, contendit causam Carcinomatis proximam nihil aliud esse quam infecta eorumve ova ex aere in corpus recepta, quæ citius ociusve irritationem, dolorem, omniaque dira morbi symptomata excitant. Hoc verò commentum, etsi, testante ejus auctore, antea prolatum, multisque in morbo observatis firmiter fultum fuisset, nunquam apud Pathologos, ut videtur, multum invaluit. Hydatides denique pro causa morbi proximâ habitæ sunt ab auctore doc-

* Justamond on Cancer, p. 65.

trinæ quidem haud parvæ, summique ingenii; opinio tamen hæc haud multum fidei fecit, suumque auctorem in controversiam cum medicis summi nominis duxit. Tenebræ igitur densæ, illis commentis nihil lucis suppeditantibus, huic argumento incubant; hinc genus humanum mala dira exinde provenientia adhuc pati damnatum est.

DIAGNOSIS.

QUONIAM mammæ aliis morbis, Carcinoma præfertim incipiens ferè exactè simulantibus, obnoxia sint, res maximi momenti fit, ut certiores facti simus, quænam signa ad Carcinoma ab aliis morbis similibus distinguendum valeant. Diagnofis Morborum semper perdifficilis et imperfecta est; Carcinoma, ut ex ejus symptomatis ritè perpenfis clarè elucebit, perpauca, interdum nulla signa propria, sibi que peculiaris habet. Hoc præcipuè verum est de morbo jam incipiente, cum diagnofis certa summi momenti fit; nam postea, cum jam ulteriùs processerit, in conspectum veniunt indicia admodum clara, monstrumque frustra prodentia.

Morbi, qui Carcinoma maximè simulant, sunt,

imo, Tumores strumosi, qui interdum tardè et in-

fidiosè adoriri, minimè rapidè progredi solent. Inter tumorem strumofum et cancrofum hoc maximè interest, quod illud, quam hoc, magis latè in initio diffusum, minùs durum est; in struma quoque cutis citiùs rubescit, et abscessus magis exactè formatur; et nunquam sentitur ille dolor secans, lancinans, Carcinomati peculiaris. Carcinoma præterea et struma eodem ætatis tempore perrarò adoriuntur, et in ulcera speciei prorsùs diversæ abeunt.

2do, Tumores inflammati; indicia verò inflammationis veræ à Scirrhi symptomatis distinctu haud difficilia sunt.

3tio, Scirrhi, scilicet, sequelæ inflammationis mammam lactantem afficientis, qui, specie inflammatoriâ omnino exutâ, formam cancrofam induunt. Fertur tumores tales numquam cancrofos fieri *, rectè forsitan quidem, si hoc tantum velit, tumores hos non cum sua indole propriâ cancrofam mutare; nam de mutatione morborum in alios naturæ prorsùs diversæ nihil vero consentane-

* Fearon on Cancer, p. 7.

um propositum esse videtur. Quamdiu autem de hujusce morbi naturâ verâ, causâque proximâ ignoremus, mutatio in partibus ei opportunis, vel minima, summam attentionem suo jure sibi vindicat; nam utrum talis mutatio Carcinomati viam postea straverit, nullo modo dicere possumus.

4to. Mammæ possunt affici inflammatione lentâ et diuturnâ, quæ in scirrhum transit, et interdum nullâ causâ evidente, persæpè vi externâ oritur. Inter tumores hujusmodi et cancrofos, quippe qui pariter á vi externâ sæpè suam originem dueant, diagnosi perdifficilis est; nam indicia distinguentia inter scirrhum sic dictum simplicem, et malignum vel cancrosum, præsertim tantum incipientem, apud auctores posita, haud omni ex parte sufficiunt: quæ de dolore tanquam signo indolem cancrofam clarè prodente, dicta sint *, fortassè non omnibus placebunt. Ex tempore ætatis quo morbus adoritur, exque symptomatis antea enumeratis paucioribus vel pluribus in ejus progressu observatis, diagnosi nostra admodum clarior evadit. Dolor quoque gravis et diuturnus sine fluctuatione, vel

* Van Swieten on Aphorism 492.

febre notabili, vel inflammationis signis, pro indolis cancrofæ indicio haud admodum ambiguo habetur*.

5to. Tumor totius mammæ paulatim magnam ad molem crescens nonnunquam oritur. Hic non dolore vehemente, fed tantum moleftiâ, vel quodam fenfu acutiore ftipatur; tumorem verò cancrofum interdum æmulat. Cum autem totam mammam occupat, et rubore, fenfu diftentionis molefto, et affectione generali ftipetur, diagnosis admodum facilis eft.

PROGNOSIS.

DE tumore verè cancrofo nihil faufti aufpicari poffumus, quæque de ejus resolutione referantur, fortasfè admodum cautè credenda funt: nam inter fcirrhum fimplicem Carcinomaque incipiens, intercedit difcrimen adeo ambiguum, quod exempla illius feliciter tractati, pro hoc in resolutionem fauftam abiente, fortè decantata fuerunt. Auctoris plerisque, ut videtur, perfuafum eft, fcirrhum fimplicem Carcinomati femper præire; perperam quidem, ut mihi videtur, nam, tametsi plerumque ali-

* Richter's Medical and Surgical Obfervations, p. 4.

quid mutationis præcefferit, dantur quædam forſitan exempla, in quibus tumor etiam ab initio indolis omnino cancroſæ eſt. Si de hoc nos certiores facti, tempusque, quo ſcirrhus ſimplex in cancroſum tranſit, cognitum eſſet, multùm ad noſtram rem conſerât. Quoniam verò de his adhuc ignoremus, nobis reſtat incertitudo maximè dolenda, et metus, ne tumor omnis, partem glanduloſam adoriens, in ulcus peſſimi moris incidat. Ex hac ignorantia quoque forſaſè auctores ferunt, ſcirrhum cancroſum interdum in eodem ſtatu, per longum tempus manere. Tumor omnis tamen mammam fœminæ provectiore præſertim ætate adoriens, ſummam curam meretur; et ſymptomatis antea recensitis ſtipatus, ullis remediis uſitatis nec cedens, nec in melius ſe vertens, ominis ſemper peſſimi habendus eſt.

CURATIO.

CARCINOMA, conſenſu ferè omnium, ſive propter ſuam naturam ſymptomataque probè perpenſa, ſive propter remedia jam fruſtra tentata, pro morbo immedicabili habetur. Medici verò ejus ſanationem nunc, ut olim, tentant, et forſaſè in poſtero tentabunt. Spes autem, aliis haud parvi no-

minis suadentibus, tantum levissima, aliis, etiam nulla, nobis relinquitur. Remedia sive universa, sive topica, sive utraque simul, adhibita fuerunt; et Materia Medica tota perscrutata fuit, ut inventum esset remedium pro hoc morbo certum, fallereque nesciens. Medicamenta plurima laudata fuerunt, immeritò quidem, ut experientia infausta satis superque ostendit. Eorum multa ab Empiricis indoctis illata fuerunt: Medici verò quidem, ut videtur, parum pro ejus curatione egerunt; nec quomodo pars affecta diversis morbi temporibus sese haberet, satis animadvertère; nam fabrica ejus, morbo tantum incipiente, fortè haud multum mutatur; postea paulatim mutationem insignem subit, remediaque eadem eosdem ut antea effectus haud præstare possunt. Omnia medicamenta pro Carcinomatis curatione à Medicinæ incunabulis, ad nostram etiam ætatem tentata, vel leviter perstringere perdifficile erit; nec fines huic dissertationi impositi hoc sinent.

Remedia internè adhibita sunt accommodata ad duo consilia præcipuè absolvenda; primo, ad obstructions summovendas, viresque corporis reficiendas; secundo, ad irritationem malè sanam sopi-

endam, quo vires corpori infitæ morbum vincant, fugentque. Pro consilio illo perficiendo medicamenta stimulantia et tonica è fossilibus; pro hoc narcotica ex herbis deprompta, usurpata fuerunt. Hydrargyrus, illud medicamentum jure laudatum, in usum vocatus fuit, avibus quidem adversis, nam in Carcinomate vero prohiberi debet; quoniam omnia mala symptomata augere*, eventumque infauftum festinare videtur. Arsenicum quoque summa laude elatum, sæpèque adhibitum fuit, tum propter suam vim tonicam, tum propter aliam specificam, qua, ut quibusdam placet, huic morbo quasi dicatum est. Auctor †, qui primus ejus usum in Carcinomate suavit, narrat exempla quædam, in quibus ex ejus administratione integra valetudo rediit. Experientia verò aliorum ‡ minùs fausta fuit; et hoc venenum propter mala dirissima exinde provenientia, cautissimè adhiberi debet§. Laudata fuerunt quædam præparata è ferro, ferrum præsertim ammoniacale largè sumptum ||; hoc ve-

* Pearson's Principles of Surgery, p. 253.

† M. Le. Febure.

‡ Justamond on Cancer, p. 34.—Pearson's Principles of Surgery, p. 253.

§ Audi Dris. Jeffray, Prælect. Anatom.

|| Justamond on Cancer, p. 13.

rò apud Medicos haud multum famæ adeptum esse videtur. Barytes denique muriata ad hunc morbum debellandum vocata fuit, et, quibusdam testantibus, militavit non sine gloria*.

Ad consilium alterum perficiendum, nempè, ad irritationem sopiendam, Cicuta, Belladonna, Aconitum, Hyosciamus, Opium, Aquaque Lauro-cerasi usurpata fuerunt, et singula suos fautores habent.

De remediis loco ipsi applicatis perpauca tantum dicenda sunt. Ex experientia satis constat, quicquid irritans vel stimulanſ Carcinomati occulto admotum, apertum; apertoque, ulcus largius reddere †. Aer verò mephiticus ulceri admotus mandatus est, et haud parum levaminis in quibusdam exemplis ‡, in uno nupero §, ut fertur, sanationem perfectam dedit. Videtur tamen medicamenta alià externa, et inter cætera arsenicum, nihil boni un-

* Duncan's Medical Commentaries, vol. 4. dec. 2.

† Celsus de re Medica, 232.—Wifeman's Chirurgical Treatises, p. 102.—Richter's Medical and Surgical Observations, p. 42.

‡ Percival's Essays, p. 74. vol 2,

§ Ewart's History of Two Cases of Ulcerated Cancer, &c. Case 1.

quam præbere. Si nihilominus clarorum medicorum testimonio, et libris in nosocomiis scriptis, fidem dederimus; metus nobis erit, ne Carcinoma adhuc immedicabile habendum sit. Medicina igitur nihil valente, ad mammam five igne, five caustico, five scalpello auferendam, plusminusve confugitum omni tempore fuit. Successus verò hujus operationis in dubium vocatus fuit à quibusdam, scilicet, quibus persuasum erat Carcinoma labem totius corporis esse. Inter hos eminet Monro primus*, qui dixit, quod ex sexaginta ægris, quibus partes Carcinomate affectæ, se præfente, excisæ fuerant, quatuor tantum duos post annos morbo immunes vixerunt: ex his tres Carcinomate mammæ occulto, quartusque ulcere labii cancroso laboraverant. Nèc hoc valdè mirandum est, quoniam ille Medicus celeberrimus in civitate magna medicinam fecit; tractatioque tunc usurpata, nempè, quâ suppuratio promoveretur, minus habilis fuit; et quoniam æquum est putare exempla pessima sub ejus conspectu venisse. Huic prorsus contraria est relatio Di. Hill†, qui refert, quod ex octoginta et octo ægris Carcinomate vero affectis (quorum octoginta et quatuor ulceri-

* Edinburgh Medical Essays, vol. 5.

† Hill's Cases in Surgery.

bus cancroſis laboraverant), qui ſub ejus manu exciſionem paſſi erant, omnes, duobus tantum exceptis, operationi ſuperſtites fuère. Ex his autem quinque tantum, mammas cancroſas habuère; quarum una, quæ ſola ulcere affecta fuit, alteraque ulcera ex exciſione ſanationem refugientia tulere; tertia in morbum denuò incidit; duæque reliquæ, pluribus poſt operationem annis, integra valetudine fruebantur. His verò relationibus utriſque prætermiſſis, teſtimonia aliorum* audienda ſunt; hincque ſatis clarè conſtat exciſionem (ſi omnia morbo affecta auferentur), ſæpè Carcinomate occulto, interdum quoque aperto, affectis, integram valetudinem reducere: ex hac igitur pendet omnis noſtra ſpes et refugium.

Apud auctores † de tempore, quo exciſio perfici debeat, aliquid discriminis intercedit; ad ſcalpellum verò, ut mihi videtur, confugiendum eſt, ſimul ac nihil dubii de natura morbi relictum ſit; et malum, remediis adhibitis nihil obſtantibus, adhuc progrediatur. Ægræ tamen operatione ſemper horrenda perterritæ, plerumque tantum mala,

* Audi Dris. Jeffray, Dris. Monro, Di. Cline, et Di. Cooper, Prælect. Anat. et Chirur.—Vide quoque Pearson on Cancer, Gooch's Surgery, Fearon on Cancer.

† Pearson on Cancer, p. 32.—Bell on Ulcers, p. 310.

quæ maximè urgent, lenire, et dolori scalpelli permagno morasnectere malunt.

Quoniam Carcinoma tardè, et sæpè furtim, nec cum inflammationis indiciis adoriatur, vix, ac ne vix quidem, indolis inflammatoriæ haberi potest. Cùm verò aliquid procefferit, signa inflammatoria in conspectum veniunt, et quicquid stimulet, morbum cursu incitatioe progredi facit. Omne igitur remedium inflammationi occurrens, morbo incipienti accommodatum videtur; regimen itaque sic dictum antiphlogisticum à medicis haud parvi nominis multùm laudatur. Detractio sanguinis topica vel etiam generalis, diætã parca ex herbis deprompta, prohibitio potûs meracioris absoluta, et subinde purgatio alvi lenta, haud parum boni conferunt*. Remedia discutientia etiam mitiora à quibusdam mandata, propter mala exinde interdum provenientia, cautè adhibenda sunt. Fonticulus fedi morbi proximus haud inutilis habetur, præsertim in Carcinomate occulto, nam in aperto nulla est ex ejus usu spes; et tunc magis oportet, nos animadvertere, quò dolor vehemens leniendus, et fœ-

* Pearson's Principles of Surgery, 242.—Memoirs of the Medical Society of London, 1789.

tor ulceris minus intolerabilis reddendus fit. Opi-
um internè sumptum, Cataplasma Cicutæ dolo-
rem leniunt : et ulcus minus foetet, si Cataplasma-
te Dauri vel fermentante coopertum, et acido mi-
nerali, vel vegetabili diluto lavatum fuerit; hæc
verò irritantia cautè adhibenda sunt.

Quædam præparata ex Arsenico, Argentum Ni-
tratum, Hydrargyrusque Corrosivus ulceri admota,
laudata fuere, immeritò, ut videtur, nam mala
sunt, nisi cum partes morbo affectas omnino con-
sumant. Medicamenta unctuosa, consensu ferè
omnium, noxia sunt; quicquid verò admotum
mutandum est, cum vel ulcus, vel corpus ægræ
totum aliàs se habeat Cortex quoque Cinchonæ, in-
fusionesque amaræ tenues commendata sunt. In-
terea cibus benè nutrientibus, at blandis, parumque
stimulantibus, et catharticiis, ad alvum admodum
laxam servandam, salinis et mitioribus utendum est.

Cum de mamma morbo correpta auferenda sta-
tutum sit, quæritur, an cauterium vel causticum
medicamentum, vel culter potiùs in usum vocari
merentur. Cauterium nostris temporibus, et etiam
multis abhinc annis neglectum est; è duobus re-

liquis Chirurgi plerique hoc, at quidem illo, diversas ob causas magis utuntur. Inter caustica Arsenicum, Argentum Nitratum, et Hydrargyrus Corrosivus vulgo usurpantur, arsenicum verò præsertim, nam ex hoc deprompta sunt illa medicamenta arcana, quæ, sua compositione et usu admodum diversa, plurimum decantantur, et sine dubio interdum curationem perfectam dedere. Cum verò ægra nihil refugiat, scalpellus omnibus multum præferendus est.

FINIS.

